



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1746. usque ad  
Annum 1749

**Luxemburgi, 1753**

II. Archiconfraternitati Doctrinæ Christianæ de Urbe conceditur Ecclesia  
Beatæ Mariæ Virginis de Planctu. 9. Martii.

---

[urn:nbn:de:hbz:466:1-74761](https://nbn-resolving.org/urn:nbn:de:hbz:466:1-74761)

Datum Romæ apud Sanctam Mariam Majori Anno Incarnationis Dominicæ millesimo septingentesimo quadragesimo quinto, sexto Kalendas Martii, Pontificatus Nostri Anno Sexto.

D. Card. Passioneus.

J. Datarius.

VISA DE CURIA

I. C. Boschi.

L. Eugenius.

Loco ✕ Plumbi.

Registrata in Secretaria Brevium.

II.

Archiconfraternitati Doctrinæ Christianæ de Urbe conceditur Ecclesia Beatæ Mariæ Virginis de Planctu.

BENEDICTUS EPISCOPUS,

Servus Servorum Dei. Ad perpetuam rei memoriam.

Exordium.

**S**ALUTARIS Doctrinæ fontes immensa Dei bonitate humano generi referatos, ad alendas, ac roborandas potissimum teneras Ecclesiæ plantas assiduâ curâ derivari, & singulis quibusque succrescentibus stirpibus abunde propinari, pro imposito Nobis Pastoralis Officii munere, cupimus; ut veniens statuto tempore Cælestis Paterfamilias, ac debitos ex eis fructus requirens, non ipsas arbores, tanquam infructuosas, succidi, & in ignem mitti jubeat, sed in beata Cæli vireta, æternum victuras, per suam misericordiam transferri concedat. Qua quidem de re, quum anxiam sollicitudinem Nostram jam pridem communicaverimus cum Venerabilibus Fratribus universis Episcopis Ecclesiæ Dei, per Encyclicas Literas datas die VII. Februarii anni MDCCXLII. Pontificatus Nostri Anno II., quibus plura distincte præscripsimus, quæ ad opus Dei in singulis Diocæsi-bus promovendum apta & opportuna esse censuimus; in hac verò illustriori Dominici Agri portione Nobis peculiariter concredita, ex qua voluit Deus ipsum veluti Cælestium aquarum Caput ad universam Terræ superficiem irrigandam dimanare, hunc ipsum in scopum vigilando, atque instando, diligentiam studiumque Nostrium hucusque conferre non destiterimus; magnopere expedire judicavimus animum Nostrium intendere ad stabilendum augendumque in hac Alma Urbe saluberrimum Institutum eximie Sodalitatis Doctrinæ Christianæ nuncupatæ, in eadem olim Urbe fundatæ, atque erectæ, cujus operosa, & assidua pietas exercetur in adjuvandis ejusdem Urbis Parochis, ad hoc, ut Pueri, & Adolescentes utriusque sexus, Catholicæ Fidei rudimentis, ac necessariis Christianæ Doctrinæ institutionibus informentur; proindeque ejusdem utilitatibus, & commodis, ad Dei gloriam, & Fidelium Animarum profectum, Prædecessorum Nostrorum exempla sequentes, uberius consulere decrevimus.

Sanè postquam Sancta mem. Pius Papa V. Prædecessor Noster per suas Literas in forma Brevis, datas sub Annulo Piscatoris die XXI. Octobris anni MDLXXII. Pontificatus sui anno VII., Congregationem Doctrinæ Christianæ in Alma Urbe jam tum institutam, & canonicè erectam, pluribus, ac peculiaribus gratiis, atque favoribus cumulaverat; recolendæ memoriæ Paulus Papa V. etiam Prædecessor Noster per similes Apostolicas Literas in forma Brevis, datas Tusculi die VI. Octobris anni MDCVII. Pontificatus sui anno III., ipsam Congregationem, nec non

singulas illius Personas, & Ecclesias, nempe Sancti Martini Regionis Arenule, & Sanctæ Agathæ Regionis Transtiberinæ, eidem Congregationi Apostolica auctoritate concessas, sub Sua, & Sedis Apostolicæ protectione suscipiens, eandem Congregationem Doctrinæ Christianæ in Basilica Principis Apostolorum in Archiconfraternitatem perpetuò erexit, & instituit, illiusque perpetuum Administratorem, & Protectorem constituit, & deputavit pro tempore existentem Sanctæ Romanæ Ecclesiæ Cardinalem in Urbe prædicta, ejusque Districtu Romani Pontificis Vicarium in spiritualibus Generalem; ac ipsam Archiconfraternitatem, illiusque pro tempore Confratres, potestate & auctoritate aggregandi alias quascumque ejusdem Doctrinæ Christianæ Confraternitates per Orbem canonicè institutas, & instituendas, aliisque facultatibus, nec non Indulgentiis, & spiritualibus gratiis abundè ditavit. Deinde etiam felicitis recordationis Decessor Noster Clemens Papa XII., ut adeo pium, ac necessarium opus, cujus ipse Prædis munere olim perfunctus fuerat, majoribus semper incrementis augetur, eidem Archiconfraternitati redditus Congregationis Sancti Josephi in Ecclesia Sancti Pantaleonis Regionis Montium, ipsamque Ecclesiam, Apostolica auctoritate etiam perpetuò applicavit, concessit, & assignavit.

Verum quum hujusmodi redditus, alique ex piis Confratrum, aliorumque Fidelium largitionibus & dispositionibus adepti, impares adhuc esse dignoscantur ingentibus expensis, & sumptibus, quæ ipsa Doctrinæ Christianæ Archiconfraternitas sustinere solet; dum, inter cætera, ad promovendam in Populo immaculatæ Doctrinæ frequentiore audientiam, & respectivè sedulam Christianarum Institutionum explicationem, complura præmia diligentioribus pueris, & puellis per singulas Urbis Parochias distribuere, Mulieribus autem Doctrinam ipsam edocentibus, quæ per easdem Parochias dispersitæ, trecentarum numerum excedunt, Dotalia subsidia constituere, & Vestes elargiri consuevit; Quum etiam præfatæ Ecclesiæ, quas ipsa Archiconfraternitas possidet, ambo quidem nimis angustæ, alia verò ob nimiam ab Urbis centro distantiam, alia ob ruinofum, ad quem redacta est, statum, minus aptæ sint frequentioribus Populi conventibus, & piis hujusmodi Instituti exercitiis, quæ proinde huc illuc identidem transferri oportet: Nos, quibus saluberrimi hujus operis conservatio, atque etiam incrementum, magnopere, ut prædiximus, cordi esse debet, eandem Archiconfraternitatem non modò amplioribus proventibus augere, sed etiam in aptiori, & laxiori Ecclesia collocare, & sub speciali cælestis præsidii tutela constituere deliberavimus.

Et satis nimirum ampla, & decenter extracta, & ad Religionis memoriam insignis est Ecclesia Beatæ Mariæ de Planctu, olim Sancti Salvatoris in Cacaberis nuncupata, in qua Deiparæ Imago aservatur, celeberrimis in Alma Urbe prodigiis clara; quæ quidem Imago olim ad ipsam Ecclesiam, de consensu tunc existentium tam SS. Laurentii & Damasi Sanctæ Romanæ Ecclesiæ Diaconi Cardinalis dictæ Parochialis Ecclesiæ Collatoris, quam ejusdem Ecclesiæ Rectoris translata fuit; & in qua subinde Confraternitas sub invocatione ejusdem Beatæ Mariæ de Planctu canonicè erecta extitit, quæ postmodum nova Ecclesiæ, & Oratorii Aedificia, qualia nunc conspiciuntur, non sine ingenti pecuniarum impendio extrui curavit; ibique Dei cultum, & Beatissimæ Virginis honorem assiduis pietatis, & religionis operibus ad hunc diem laudabiliter prosequuta est. Hanc igitur Ecclesiam, ejusque Oratorium, una cum redditibus, & proventibus eidem adnexis, & ad hujus-

\* De Ecclesia Beatæ Mariæ Virginis de Planctu.

Status Archiconfraternitatis Doctrinæ Christianæ de Urbe.

huiusmodi Sodalitatem Beatæ Mariæ de Planctu pertinentibus, prædictæ Archiconfraternitati Doctrinæ Christianæ concedere & applicare, non solum ipsi Archiconfraternitati, adeoque universo dilectissimæ Urbis Populo proficuum & utile, ac saluberrimi huius Instituti exercitiis aptum, & opportunum fore reputavimus, verum etiam gratum, & acceptum futurum esse duximus clementissimæ Cœli Reginae, quæ quum sit increata Sapientia Mater, & Spiritus Sancti Sponsa, pium istud opus, ad agnitionem & amorem Dei, & præceptorum eius unice directum, ope ac patrocinio suo fovere, & promoveri non recusabit.

Archiconfraternitas in ea erecta suppressitur.

His ergo, aliisque rationabilibus Causis Nobis notis, animumque Nostrum moventibus adducti, omnemque statum, proprietates, & jura prædictæ Archiconfraternitatis Beatæ Mariæ de Planctu, præcipue verò Instrumentum ipsum olim, ut accepimus, confectum super concessione Ecclesiæ, conventionesque inter tunc existentes Rectorem, & ipsam Archiconfraternitatem B. Mariæ Virginis de Planctu, illiusque Officialis initias die xxii. Julii anni MDXLVI. per acta quondam, tunc in humanis agentis, cognominati Ceccarelli Causarum Curia Capitoli Notarii, ac Literas in forma Brevis fel. recordationis Pauli Papæ III. etiam Prædecessoris Nostri super Instrumenti, & conventionum ejusmodi approbatione, & confirmatione expeditas, & debita executioni demandatas die xiii. Aprilis anni MDXLVIII., seu alio veriori tempore; nec non Literas recolendæ memoriæ Pii Papæ IV. etiam Nostri Prædecessoris super approbatione Statutorum dictæ Confraternitatis Beatæ Mariæ Virginis de Planctu, cum concessione Indulgentiarum, illiusque erectione in Archiconfraternitatem, datas x. Kalendas Januarii anni MDXLII.; item Literas felicis recordationis Clementis Papæ VIII. Nostri pariter Prædecessoris, data die xv. Septembris anni MDXCIV., seu alio veriori tempore; Literas demum similis recordationis Pauli Papæ V. Nostri itidem Prædecessoris, die viii. Aprilis anni MDCXIV. expeditas, per quas Titulus collativus dictæ Parochialis Ecclesiæ perpetuo suppressus, & extinctus fuit, ac inibi pro exercitio Curæ Animarum perpetua Vicaria certis modo & forma, ac cum diversis legibus, & conditionibus tunc expressis, Apostolica auctoritate erecta, & instituta fuit; dominio Ecclesiæ prædictæ, illiusque redditibus; dictæ Archiconfraternitati Beatæ Mariæ Virginis de Planctu, ejusque Custodibus in perpetuum attributis; quæ quidem Pauli V. Prædecessoris Literæ executioni demandatæ fuerunt in vim Sententiæ emanatæ die xvi. Septembris anni MDCXV. a tunc existente Romani Pontificis in Urbe, ejusque Districtu Vicarii Vicegerente, & iterum a Congregatione Sacrae Visitationis Apostolicæ die xxviii. Julii anni MDCCXII., & a Causarum Palatii Apostolici Auditorio nuperis Decisionibus emanatis die iv. Junii anni proximè præteriti coram dilecto Filio Magistro Canilliac, uno ex ejusdem Auditorii Auditoribus: Omniaque & singula a dicta Archiconfraternitate B. Mariæ de Planctu, illiusque Custodibus, tam verbo insinuata, quam scripto deducta, ac illarum & illorum veros, & integros tenores, præsentibus pro plenè & sufficienter expressis, & de verbo ad verbum insertis habentes: ipsa Archiconfraternitate Beatæ Mariæ Virginis de Planctu, ejusque Custodibus auditis; Motu proprio, & ex certa scientia, meraque deliberatione Nostri, deque Apostolicæ potestatis plenitudine, in prædicta Parochiali Ecclesiâ Beatæ Mariæ Virginis de Planctu, illiusque Oratorio præfatam Archiconfraternitatem ejusdem Beatæ Mariæ Virginis de Planctu, illiusque statum, essentiam,

denominationem, statuta, consuetudines, & decreta, etiam juramento, confirmatione Apostolica, vel quavis firmitate alia roborata, privilegia quoque; & indulta, quibuscumque illa sint concepta formulis, nec non irritantibus, & aliis decretis, ac vinculis munita (firma tamen inibi remanente perpetua Vicaria prædicta pro exercitio, & administratione Curæ Animarum Parochianorum, in eodem statu, & terminis, in quibus illa de præsentibus reperitur; & præservatis, favore Confratrum ejusdem Archiconfraternitatis Beatæ Mariæ de Planctu, nec non aliarum Confraternitarum per Orbem ipsi aggregatarum, Apostolicis gratis, & privilegiis inferius exprimentis) Apostolica auctoritate tenore præsentium in perpetuum dissolvimus, supprimimus & extinguimus; eamque, una cum illius denominatione, statu, & essentia huiusmodi, perpetuo dissolutam, suppressam, & extinctam esse & fore, eadem auctoritate decernimus, & declaramus.

Porro aliam Archiconfraternitatem prædictam Doctrinæ Christianæ specialis gratiæ favore prosequi volentes, illiusque Officialis, & Confratres a quibusvis excommunicationis, suspensionis, & interdicti, aliisque Ecclesiasticis Censuris, sententiis, & penis, a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium tantum consequendum, harum serie absolventes, & absolutos fore censentes (& prævia dismembratione, separatione, & sejunctione ab eadem Archiconfraternitate Ecclesiæ Sancti Martini in Arenula, & Sancti Pantaleonis in Regione Montium, ei Apostolica auctoritate, ut prædiximus, concessarum, quas voluntati, & dispositioni nostræ reservamus) ipsam Doctrinæ Christianæ Archiconfraternitatem in prædicta Ecclesiâ Beatæ Mariæ de Planctu, ejusque Oratorio, prædictæ Archiconfraternitati per præsentibus a Nobis suppressæ & extinctæ, in omnibus & per omnia plenarie substituimus; eidemque Archiconfraternitati Doctrinæ Christianæ Ecclesiæ ipsam Beatæ Mariæ Virginis de Planctu, illiusque Sacristiam, & Oratorium, una cum membris, pertinentiis, annexis, & connexis suis, omnique sacra, etiam argentea, & pretiosa suppellectili, & jocalibus; item bona, tam mobilia, quam stabilia, res, proprietates, Loca Montium, census, canones, fructus, redditus, proventus, obventiones, & emolumenta universa in quibusvis rebus consistentia, & undecumque provenientia, & ad ipsam Archiconfraternitatem a Nobis per præsentibus suppressam, & extinctam hæcenus spectantia, & pertinentia, dicta Apostolica auctoritate pateriter in perpetuum concedimus, assignamus, & subjective unimus, annectimus, & incorporamus; ac respectivè applicamus, & appropriamus; Ipsamque præterea Archiconfraternitatem Doctrinæ Christianæ in omnibus juribus, & ad omnia jura, ac quascumque actiones, tam activas, quam passivas, reales, personales, & mixtas, quæ eidem suppressæ Archiconfraternitati quomodolibet competeant, & competere poterant, & si illa suppressæ, & extincta non fuisset, deinceps competere, & competere possent, etiam ad effectum succedendi in quibuscumque substitutionibus, ad favorem ipsius suppressæ Archiconfraternitatis quomodolibet forsitan factis, & ordinatis, etiam de illis specialis, & individua mentio faciendâ esset, plenarie, integrè, & omnimodè subrogamus, & admittimus.

Nè autem pia Legata, Missarum onera, Anniversaria, annua suffragia, Cappellaniæ, subsidiorum dotalium, & panis distributiones, Hospitalis visitatio, & alia quæcumque onera, quæ prædicta Archiconfraternitas a Nobis per præsentibus suppressæ, & extinctæ, ex piis Fidelium

Eique subrogatur Archiconfraternitas Doctrinæ Christianæ de eadem Urbe.

Sine præjudicio implementi omnium onerum.

dispositionibus, quomodolibet supportare, & adimplere tenebatur, debitis fraudatur implementis: Nos omnia, & singula onera hujusmodi firma, salva, & illasa esse volentes, illa ad dictam Archiconfraternitatem Doctrinae Christianae, juxta praedictas dispositiones, & laudabiles suppressae Archiconfraternitatis consuetudines, in posterum etiam, ut haecenus omnino adimplenda, transferimus. Quamobrem Congregationi secretae ejusdem Doctrinae Christianae per praesentes committimus, & injungimus; ut omnia & singula onera, & obligationes hujusmodi curet sollicitis studiis fideliter adimpleri: tribuentes insuper eidem Congregationi secretae omnium & singulorum reddituum, & obventionum administrationem; cujus tamen exactam, atque fidelem rationem in fine cujuslibet anni, Nostro & Romani Pontificis pro tempore existenti Sanctae Romanae Ecclesiae Cardinali in Urbe, & ejus Districtu Vicario, perpetuo dictae Archiconfraternitatis Protectori, reddere teneatur.

Et distributionis subditorum Dotarium, ut his praeficitur.

Ut vero etiam dotalia subsidia, quae ex redditibus suppressae Archiconfraternitati alias obvenientibus distribuebantur, atque in posterum, ut praefertur, distribui debeant, non modo pauperibus & honestis, sed aliunde etiam dignis, ac potissimum in Christiana Doctrina peritissimis Puellis concedantur; volumus pariter, & mandamus, ut merita, & requisita singulorum Puellarum ad praedicta subsidia concurrentium, & aspirantium per Deputatos Congregationis Generalis Doctrinae Christianae diligenter examinentur, & perpendantur, & illa ceteris omnibus praefertantur, quae praeter qualitates a Testatoribus requisitas, peculiare, ac distinctum sibi meritum acquisierint vel in explicando, vel in addiscendo Doctrinam Christianam. Reservamus tamen liberae dispositioni Primogeniti pro tempore existentis Familiae de Burgheis nominationem ad duo Subsidia Dotalia per quondam Aloysium Zannini ordinata, prout ab ipso pio Instructore eidem Primogenito attributa fuit. Itidem concedimus Praelato, & Deputatis pro tempore Conservatorii Puellarum, quae vulgo *le Zoccollette* dicuntur, facultatem nominandi ad unum ex Dotalibus Subsidii, a quondam Joanne Maria Santucci ordinatis ad favorem Puellarum Regionis Arenulae, in qua praedictum Conservatorium situm reperitur; ut scilicet hujusmodi Dotale Subsidium uni semper ex Puellis in eodem Conservatorio existentibus, ad liberam eorundem Praelati & Deputatorum electionem, & nominationem, concedi debeat; ad quem effectum, ipsas memorati Conservatorii Puellas, quatenus opus sit, specialibus Indultis, & Privilegiis a praedicto Clemente XII. Praedecessore per suas Literas in forma Brevis die xx. mensis Octobris anni MDCCXXXV. expeditas eis desuper concessis, frui & gaudere posse, & debere volumus, & statuimus.

Executio.

Igitur, ut suppressio, extinctio, unio, concessio, assignatio, aliaque praemissa suum debitum fortiantur effectum, Dilecto Filio Nostro Joanni Antonio Tituli SS. Silvestri, & Martini in Montibus Sanctae Romanae Ecclesiae Presbytero Cardinali Guadagni nuncupato Nostro in Urbe, & Districtu praedictis Vicario, per eadem praesentes committimus, & mandamus, ut ipse duos graves, & idoneos Viros deputet, qui ipsius Archiconfraternitatis Doctrinae Christianae nomine, & pro ea, dimissionem, consignationem, & traditionem praedictae Ecclesiae Beatae Mariae Virginis de Planctu, illiusque Sacrificii, & Oratorii, annexorumque, & connexorum quorumcumque, nec non Clavium Sacrae Imaginis, omnique sacrae, etiam pretiosae, & argenteae supellecilis, jocalium, pecuniarum, Archivi

scripturarum, & librorum, ac generaliter omnium, & singulorum bonorum mobilium, & immobilium ad praedictam Archiconfraternitatem a Nobis pro praesentes suppressam, & extinctam quomodolibet de praesenti spectantium, & pertinentium, recipiant, & acceptent: Contra vero ipsi Archiconfraternitati per praesentes suppressae, & extinctae, illiusque Custodibus, Officialibus, & Superioribus nunc existentibus, in virtute sanctae Obedientiae districtae praecipiendo mandamus, ut ipsi nostrae voluntati hujusmodi humiliter obsequentes, per eorum Camerarium, & alterum Officialem, plenariam & integram omnium, & singulorum praedictorum consignationem, & traditionem fideliter faciant, & adimpleant; ita quod liceat dictae Archiconfraternitatis Doctrinae Christianae Deputatis, ejusdem Archiconfraternitatis nomine, & pro ea, praedictae Ecclesiae, illiusque Oratorii, membrorum, & pertinentiarum, nec non bonorum, rerum, proprietatum, jurium, reddituum, proventuum, aliorumque praemissorum veram, realem, actualem, & corporalem possessionem per se, vel alios liberè apprehendere, & apprehensam perpetuo retinere, ipsosque redditus percipere, exigere, & levare, cujusvis licentiae desuper minime requisita.

Quia vero pia devotionis affectus, quo Custodes, & Confratres praedictae suppressae Archiconfraternitatis assiduis Dei obsequiis insistere, ac Beatissimae Virginis cultum, & ipsius Imaginis venerationem augere, & promovere, aliaque Pietatis opera juxta eorum institutum studiosissime haecenus exercere non destiterunt, singulari laude, ac specialibus Apostolicae benignitatis favoribus cumulari meretur; idcirco Nos illis omnibus & singulis, qui hoc tempore Archiconfraternitatem praedictam a Nobis, ut praefertur, suppressam, & extinctam, constituebant, concedimus & indulgemus, ut ipsi, non obstantibus suppressione, & extinctione hujusmodi, si recurrentibus Beatae Mariae Virginis festis diebus, unam aliquam, quam singuli maluerint, ejusdem Beatae Mariae Virginis Ecclesiam devotè visitaverint, eas omnes & singulas Indulgentias, penitentiarum relaxationes, & spirituales gratias eidem suppressae Archiconfraternitati, illiusque Confratribus a Romanis Pontificibus Praedecessoribus Nostri quomodolibet concessas, consequantur, quas ante suppressionem, & extinctionem hujusmodi, consueta Pietatis, & Christianae charitatis opera juxta eorum Institutum exercendo, consequi poterant.

Rursus quia, sicut accepimus, dictae suppressae Archiconfraternitati aliae in aliis Orbis partibus canonicè erectae Confraternitates unites, & aggregatae reperiuntur: Nos ipsarum quoque Confraternitatum aggregatarum indemnitatebus consulere volentes, dicta Apostolica auctoritate decernimus, omnes pariter, & singulas Indulgentias, & spirituales gratias eidem Confraternitatibus aggregatis, & illarum respective Confratribus per ipsam suppressam Archiconfraternitatem in vim Literarum aggregationis canonicè participatas, propter suppressionem praedictam eidem Confraternitatibus aggregatis nullatenus cessare, neque extinctas esse; itaut dictae Confraternitates, earumque respective Confratres, quatenus in piis sui respective instituti operibus permanserint, eas, prout haecenus, etiam futuris temporibus consequi valeant. Et nihilominus si eadem Confraternitates, previa Ordinariorum locorum licentia, & approbatione, Institutum etiam Archiconfraternitatis Doctrinae Christianae assumere vellent: Nos ampliationi, & dilatazioni adeo pii, & salutaris operis intenti, concedimus ipsi Archiconfraternitati Doctrinae Christianae de Urbe, ut eadem Confraternitates, servatis servandis, sibi etiam aggregare.

Gratiae praeservatae favore Confratrum olim B. M. V. de Planctu.

De Confraternitatis aggregatis.

gare, unire, & incorporare, omnesque & singulas Indulgentias, & spirituales gratias ipsi Archiconfraternitati Doctrinae Christianae de Urbe a Romanis Pontificibus Praedecessoribus Nostri concessas, (quas hic pro singillatim, & in specie expressis haberi volumus) eidem Confraternitatibus, earumque Confratribus communicare, & ad eas; eosque extendere possit, & valeat.

Insuper spiritualibus Juventutis profectibus efficacius intendentes, volumus, ut in praedicto Oratorio dictae Ecclesiae Beatae Mariae Virginis de Planctu; Congregatio, aut Sodalitium certi, ac praefiniti numeri Adolescentum, a Congregatione Secreta Doctrinae Christianae eligendorum, & adscribendorum; sub titulo, & invocatione ejusdem Beatae Mariae Virginis; erigatur & instituitur; qui omnibus & singulis Dominicis, & solemnioribus ipsius Beatae Virginis festis diebus; in eodem Oratorio convenientes; peculiaribus Doctrinae Christianae institutionibus; atque uberioribus Catechismi explanationibus informantur, ac Religionis & Pietatis Operibus eis praescribendis exerceantur. Omnibus vero & singulis Adolescentibus Sodalitio hujusmodi adscriptis, & adscribendis; quoties ipsi diebus praedictis hujusmodi institutionibus, & explanationibus; aliisque piis exercitationibus in dicto Oratorio interfuerint; quadraginta dies de iunctis eis; aut alias quomodolibet debitis poenitentis misericorditer in Domino relaxamus in forma Ecclesiae consueta. Item illi ex Adolescentibus praedictis; qui per annum aliis omnibus diligentior in dicto Oratorio frequentia, praedictisque institutionibus; & exercitationibus magis assiduus repertus fuerit; nominationem ad subsidium Dotale; per quondam Franciscum Menicucci ordinatum; eisdem modo & forma; quibus hujusmodi nominatio Confratri magis assiduo suppressae Archiconfraternitatis praedictae competeat; pariter concedimus; & attribuiimus.

Demum; ut congrua sustentationi Vicarii Curiam Animarum Parochianorum dictae Ecclesiae Beatae Mariae Virginis de Planctu exercentis consultum remaneat: Volumus, & mandamus; ut Archiconfraternitas Doctrinae Christianae eidem Vicario nunc & pro tempore existenti; pro illius congrua sustentatione praedicta; singulis annis scuta centum monetae Romanae currentis de julis decem pro quolibet scuto hujusmodi; & alia scuta viginti ejusdem monetae pro pensione Domus persolvere; & subministrare; eidemque minuta incerta, prout illa haecenus percepit; & percipit de praesenti, concedere teneatur; hac tamen lege; ut idem pro tempore Vicarius proventus illos; qui ei a praedicto Paulo V. Praedecessore usque ad summam sexaginta ducatorum auri de Camera pro congrua ipsius sustentatione assignati fuerunt, nullatenus de cetero exigere; aut pretendere possit; Sed omnes; & singuli proventus hujusmodi deinceps in commodum dictae Archiconfraternitatis omnino cedant; & cedere debeant.

Ceterum; quatenus opus sit; dictam Archiconfraternitatem Doctrinae Christianae a quacumque solutione mediae annatae; & quinquennii; ad quam; & quod eadem Archiconfraternitas; ratione praedictae unionis; & applicationis; aliorumque praemissorum teneri; & obligata esse dici possit; ac a quacumque obligatione desuper Camerae Nostrae Apostolicae; & illius Officialibus facienda; penitus eximimus; & totaliter liberamus; atque ad annatam; quinquennium hujusmodi solvendum; & se desuper obligandum nullatenus teneri; neque ad id per Camerae; seu illius Officialis praefatos; aut alios quoscumque ullo unquam tempore cogi; vel compelli; & ob non solutionem; seu obliga-

tionem hujusmodi a quoquam quovis praetextu; colore; vel ingenio molestari; aut inquietari minime posse; neque debere; volumus pariter; atque decernimus.

Praesentes quoque Literas; etiam ex eo; quod praedicta Archiconfraternitas a Nobis suppressa; illiusque Custodes; & quicumque alii in praemissis interesse habentes; aut habere quomodolibet praetendentes; cujuscumque status; gradus; & conditionis; etiam specifica mentione digni; existant; illis non consenserint; vel; quantum ipsis libuisset audiri non fuerint; nullo unquam tempore de subreptionis; obreptionis; nullitatis; vel invaliditatis vicio; seu intentionis Nostrae; aut alio quovis defectu; etiam quantumvis magno; inexcogitato; ac substantiali; sive ex eo; quod in praemissis; seu eorum aliquo; solemnitates; & quavis alia servanda; & adimplenda; servata; & adimpleta non fuerint; aut ex quocumque alio capite a jure; vel facto; aut statuto; vel consuetudine aliqua resultante; seu etiam enormis; enormissima; & totalis laesionis; aut quocumque alio colore; seu occasione; vel causa; quantumvis justa; privilegiata; & rationabili; etiam tali; qua ad effectum validitatis praesentium necessario exprimenda foret; notari; impugnari; invalidari; retractari; in jus; vel controversiam revocari; aut ad terminos juris reduci; vel adversus illas restitutionis in integrum; aperiitionis oris; reductionis ad viam & terminos juris; aliunde facti; gratiae; aut iustitiae remedium impetrari; seu quomodolibet concessio; & impetrato quempiam uti; seu se juvare in iudicio; vel extra posse; neque ipsas praesentes; sub quibusvis similibus; vel dissimilibus gratiarum revocationibus; suspensionibus; limitationibus; aut aliis contrariis dispositionibus pro tempore quomodolibet faciendis; comprehendi; sed semper ab illis exceptas; perpetuoque validas; firmas; & efficaces existere & fore; suosque plenarios; & integros effectus sortiri; & obtinere; ac per omnes; & singulos; ad quos spectat; & quomodolibet spectabit in futurum; inviolabiliter observari: Sicque & non aliter in praemissis omnibus & singulis; per quoscumque Iudices Ordinarios; & Delegatos; etiam Causarum Palatii Apostolici Auditores; nec non Sanctae Romanae Ecclesiae Cardinales; etiam de Latere Legatos; ac alios quavis auctoritate & potestate fungentes; in quavis causa & instantia; sublata eis; & eorum cuilibet quavis aliter iudicandi; & interpretandi facultate; & auctoritate; iudicari & definiti debere; & si secus super his a quoquam quavis auctoritate scienter; vel ignoranter contigerit attentari; irritum; & inane decernimus.

Non obstantibus singulis Pauli III.; Pii IV.; Clementis VIII.; & Pauli V. Praedecessorum praedictorum Literis praedictis; ac quatenus opus sit; de non tollendo jure quaesito; de unionibus; & applicationibus committendis; vocatis quorum interest; de exprimendo vero annuo valore; & Indulgentiis non concedendis ad instar; aliisque Nobis; & Cancellariae Apostolicae Regulis; ac postremi Lateranensis Concilii; uniones & applicationes perpetuas; nisi in casibus a jure permissis; fieri prohibentis; nec non ejusdem Clementis VIII. formam servandam in aggregationibus praescribendis; ac felicitis recordationis Pauli II.; Pauli IV.; dicti Pii V.; & Sixti V.; aliorumque Romanorum Pontificum Praedecessorum Nostrorum; annatas; & quinquennia Camerae; & Cancellariae Nostris in unibus solvi praecipientium; nec non praedicti Pii IV.; de gratis interesse ejusdem Camerae quomodolibet concernentibus in dicta Camera infra certum tunc expressum tempus insinuandis; & registrandis; alias gratiae ipsae nullius

Clausula  
praeservati-  
va; & de-  
creta saluta-  
ria.

et ubi  
supra

Derogatio-  
nes;

de quibus  
supra

Demandatur erectio Congregationis pro uberiori Doctrinae Christianae explanatione.

Vicarii Curati sustentationi providetur.

Exemptio a quinquennii &c.

fini roboris, vel momenti, aut aliis quomodolibet disponentium, aliisque quibusvis etiam in Provincialibus, & universalibus Conciliis editis, vel edendis, specialibus, vel generalibus Constitutionibus, & Ordinationibus Apostolicis, privilegiis quoque, Indultis, & Literis Apostolicis quibusvis Superioribus, & Personis in contrarium præmissorum quomodolibet forsitan concessis, approbatis, & innovatis, nec non quibuscumque piorum Oblatorum, aut Testatorum voluntatibus, ac dispositionibus, sive in donationibus, aliisque contractibus inter vivos nuncupatis, sive in eorum Testamentis, Codicillis, aliisque ultimis voluntatibus, cum quibuscumque conditionibus, & legibus, etiam caducitatis, & subrogationis alterius operis pii, adscriptis, atque statutis; Quibus omnibus, & singulis, etiam si de illis, eorumque totis tenoribus, & formis, specialis, specifica, & individua mentio, seu quævis alia expressio habenda, aut aliqua alia exquisita forma ad hoc servanda foret, illorum tenores, ac si de verbo ad verbum, nihil penitus omisso, & formam in illis traditam ad hoc servatam, inserti forent, præsentibus pro expressis habentibus, illis aliis in suo robore permanentibus, hac vice dumtaxat latissimè, & plenissimè, ac specialiter & expressè, Motu, scientia, & potestatis plenitudine similibus derogamus, eaque respectivè, ad effectum, de quo supra, commutamus, ac derogata, & commutata esse volumus, cæterisque contrariis quibuscumque.

Sanctio.

Nulli ergo omnino hominum liceat paginam hanc Nostrarum Suppressionis, Extinctionis, Dissolutionis, Absolutionis, Subrogationis, Applicationis, Unionis, Concessionis, Reservationis, Præceptorum, Mandatorum, aliorumque præmissorum infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, & Beatorum Petri, & Pauli Apostolorum ejus, se noverit incursum.

Datâ die 9  
Martii 1746.

Datum Romæ apud Sanctam Mariam Majorem Anno Incarnationis Dominicæ MDCCXLVI., VII. Idus Martii, Pontificatus Nostri Anno VI.

J. Datarius.

Pro D. Card. Passioneo

Joannes Florius Substitutus.

VISA DE CURIA.

I. C. Boschi.

J. B. Eugenius.

Loco ✕ Plumbi.

Registrata in Secretaria Brevium.

III.

Super celebratione duarum Missarum eadem die per unum Sacerdotem.

Venerabili Fratri Antonio Episcopo Oscensi.

BENEDICTUS PAPA XIV.

Venerabilis Frater, salutem, & Apostolicam Benedictionem.

Dubium ab  
Episcopo  
Sanctitati  
Suzæ propo-  
situm.

DECLARASTI Nobis, in sacra Visitatione, qua Diocesim tuam perlustrasti, deprehendisse nonnullos Rectores Ecclesiarum Parochialium, quibus alia quoque Ecclesia a Parochiali longè sejuncta commendata est, quam ob exiguos proventus alii Sacerdoti committere nequeunt, qui Pro-Rectoris munus sustineat: hinc fieri, ut Rectores ipsi rem Divinam in utraque Ecclesia Festis diebus conficere non dubitent, ut populus uterque parere possit Ecclesie præcipienti Fidelibus, ut festis diebus

Missæ Sacrificio intersint, Nobis etiam exposuisti, decrevisse in tua Synodo id minime licere Rectoribus Ecclesiarum Parochialium, quoties alius Sacerdos præsto sit, qui Sacrum facere possit in una ex iis Ecclesiis, quæ Rectoribus subjiuntur; id autem atulisse tam gravem Rectoribus ipsis molestiam, ut Synodalis Decreti executionem parumper differre censueris, donec sententiam in hac re Nostram, Nostramque voluntatem intelligeres. Quamobrem prudentiam tuam in primis commendamus, totiusque Hispanæ gentis in hanc Sedem Apostolicam observantiam, ob quam, si fortè aliquid incerti dubii contigerit, ad Romanum Pontificem confugere, consiliumque ad explicandas difficultates deprecere consuevit. Deinde tua Synodi Decretum æquitati ac Disciplinæ Ecclesie maxime consentaneum esse respondemus; ita ut demandari executioni debeat, nec vanis omnino Rectorum querimoniis imminui, vel labefactari.

Quamvis nonnulli ex Theologis Moralibus (& quidem nimis indulgenter) plures rationes & causas excogitaverint, ob quas Sacerdos eodem die Sacrificium Missæ bis offerre posse videatur, quemadmodum faciliè videri potest 3. Summe Sancti Antonini tit. 3. cap. 6. num. 5. item lib. 3. Summe Sancti Raymundi tit. 24. & in Summa Hostiensis ad tit. de celebratione Missarum num. 14. & seqq. & in Summa Sylvestrina in verb. Missa primo. §. Septimo queritur, & in Summa Armilla in verb. Missa num. 15. id tamen unanimi consensu permittitur Sacerdoti, qui duas Parochias obtineat, vel duos populos adeo sejunctos, ut alter ipsorum Parocho celebranti per dies festos adeste nullo modo possit, ob locorum maximam distantiam: tunc enim absque ulla dubitatione licere existimant ejusmodi Rectori, cum festi dies incidunt, bis Sacrum conficere, ut populo utriusque satisfaciat. Et Suarez in 3. part. Divi Thomæ tom. 3. quest. 73. art. 2. disput. 80. sect. 3. de hac hypothese loquens, inquit, in ea tantum hodie licere duas Missas eodem die celebrare: Casus de pluribus Parochiis est proprius, ac fere solus in usu. At vero si in altera ex his Parochiis Sacerdos aliquis deprehendatur, qui rem Divinam facere possit, tum illarum Rectori nequaquam licet in utroque loco Sacrificium iterare, eo quod alterius Sacerdotis operâ populi necessitati fatis consulatur. Ita probant unanimes Pasqualigus de Sacrificio Missæ tom. 1. quest. 381. num. 2. Vericellus de Apostolicis Missionibus tit. 1. de Privilegiis Regularium dub. 18. §. 31. num. 201. Giribaldus de Sacramentis tract. 5. cap. 7. dub. 2. num. 15. Rotarius in Theologia Morali Regularium tom. 3. cap. 2. punct. 11. num. 5. Tournelius in Praelectionibus Theologicis, de Sacramento Eucharistie part. 2. juxta Parisiensem editionem pag. 346. Schmalzgrueberius tit. de celebratione Missarum num. 41. Quod si Scriptores isti vestras in manus nondum pervenerint, aliorum testimoniiis rem plane cognoscetis, nempe Cardinalis Zabarella in cap. Consulisti, num. 3. de celebratione Missarum, ubi hæc habentur: Si est alius, qui celebrare possit, non celebrabit Sacerdos alia vice, dummodo ille alius sit paratus celebrare, & sit jejunus: Petri de Ancharano in Commentariis ad eundem Textum num. 1. Intellige, si non sit alius ibi paratus ad celebrandum, & ille sit jejunus: Cardinalis Toleti in Summa lib. 2. cap. 3. num. 4. Laymann in Theolog. Morali lib. 5. tract. 5. cap. 4. num. 6. Salmanticensium Theolog. Moral. tom. 1. tract. 5. de Sacrificio Missæ cap. 5. punct. 1. num. 12. juxta quartam editionem, quæ Matruti facta est anno 1717. Gavanti ad Rubricas Missalis part. 3. tit. 12. num. 7.

At supervacaneum est plures auctoritates præstantium virorum congerere, cum id fatis

Sententia  
Doctorum in  
hac materia.

Decretum  
Synodi Li-  
mana.

super-